



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput XV. Lex ecclesiastica indirectè obligare potest, & de facto obligat ad
actus internos.

[urn:nbn:de:hbz:466:1-73203](https://nbn-resolving.de/urn:nbn:de:hbz:466:1-73203)

C A P U T X V.

Lex ecclesiastica indirecte obligare potest, & de facto obligat ad actus internos.

Actus interni dupliceiter cadere possunt ¹³³ A sub legem, directe & indirecte. Directe, dum per eam præcipiuntur, vel prohibentur per se, & ratione sui, & non solum ratione actus externi. Indirecte, dum non præcipiuntur, vel prohibentur per se, & ratione sui, sed ratione actus externi, cui conjunguntur; ut se licet actus externus humano modo fiat, vel constitutus in specifica ratione actus præcepti, vel prohibiti.

Quod itaque lex ecclesiastica indirecte obligare possit ad actus internos, communissima est sententia Doctorum, & probatur ^{1°}.

quia contraria opinio cujusdam Recentioris, non solum est contra omnes ferè Doctores, sed & contra communem fidelium, Ecclesiastique sensum & usum, ut ex dicendis apparet. Est etiam contra sacra testimonia capite sequenti proferenda, quæ (ut pote favorabilia Ecclesiæ, ejusque potestatis) restringenda non sunt, absque fundamento in Scriptura & Patribus, sed amplianda proportionate ad finem ecclesiastice potestatis.

Non solum quia Ecclesiæ favores sunt ampliandi, sed & maximè, quia proximus & immediatus finis potestatis ac legis ecclesiastice, in materia sibi propria, non est sola externa politia ecclesiastica, sed est interna & alterna salus animarum, ut constat ex dictis cap. 8. Igitur per Ecclesiam, etiam sistentem in materia sibi propria, præcipi possunt actus ad finem illum profici, saltem non nimis ardui & difficiles, nec divinæ legi contrarii. Atqui actus externi, sine internis, ad finem illum nihil proficiunt, sed deficiunt potius, ut patet in externa horarum recitatione, sine interna attentione & devotione, sed cum voluntaria distractione, vel etiam cum prava intentione, &c.

2°. Opinio illa non satis consulit dignitati ecclesiastice potestatis, in materia sibi propria, dum eam usque adeò decurat, ut neget eam extendi ad præcipendum actum virtutis, secundum rationem formalem, seu animam virtutis, solumque ei subjicit materiale, seu cadaver virtutis, cui satisfiat actus externo hypocritico, v. g. hypocriticæ devotione, dum capite dolentes de celebr. Miss. devotam præcipit horarum recitationem. Quam certè non solum præcipit ut interpretatrix divinæ legis, sed ut rectrix ecclesiastice discipline; sicut dum præcipit jejunia, abstinentias, &c. Cum nullum sit fundamentum aliter de illa, quam de ipsis philosophandi.

3°. Opinio illa non ædificat bonos fidelium mores, sed dissipat, nec reformat, sed

etiam formaliter in ordine ad alios fines, quos Ecclesia principaliter intendit, dum abstinentias & jejunia præcipit. Nec hoc mirum videri debet, quandoquidem una eademque materia, in ordine ad unum finem levem, in ordine ad alium finem reputetur gravis, ut constat in esu pomii, qui secundum se est materia levem, sed in ordine ad finem ob quem Protoparentibus prohibitus fuit, formaliter gravis fuit; sicut & infusio modicæ aquæ in Calice. Quomodo etiam transitus per talen plateam, ingressus in talem domum, colloquium cum tali persona, secundum se præcisè sunt materia levem, sed respectivè ad certas circumstantias, materia gravis, ut sapienter observant Valentina, Salas, Sylvius, &c.

131 Porro finis Carmeliticæ Religionis, in supradictis punctis, est, ut dixi, præscribere modum tendendi ad perfectionem, ad quam licet quilibet Religiosus sub mortali tendere tenetur in communi; non tamen in singulari, id est per singulos actus vitæ, vel regule sue. Quia defectus in nonnullis actibus singularibus, hinc inde, citra contemptum accidentes, non censentur deficientiae notabiles à mortali obligatione tendendi ad perfectionem.

132 Objicies ^{5°}. illud Melliflui Doctoris in lib. de præcept. & dispens. c. 10. *Majora, minoraque præcepta dixerim, secundum quod majus minusve velle confiterit illum, qui præcipit, sive Deum, sive hominem.* Igitur major vel minor, atque adeò gravis vel levis obligatio præcepti (secundum ipsum) pender à voluntate præcipientis.

Respondeo negando consequentiam. Neque enim majorem vel minorem præcepti obligationem petit ex voluntate præcipientis utcumque, sed secundum quod fertur in majus vel minus objectum. Illam proinde petit ex voluntate præcipientis, proportionata naturæ & magnitudini rerum præceptorum. Id enim aperte sonant verba ista, secundum quod majus minusve velle confiterit illum, &c. sicut & exempla quæ subjugunt: quod Deo magis displicat furum alienorum, quam tenacitas propriorum bonorum. Item, quod in mandatis hominum... pro variis necessitatibus agendorum, injungendum assertio varietur, quodque putaverint rectius & commodius, hoc amplius cupiunt, & exigunt observari. Objectum proinde Melliflui Doctoris testimonium assertiōnem nostram firmat, non infirmat; præfertim cùm pariter loquatur de divinis, ac de humanis præceptis; divina vero, in materia gravi, graviter obligare, ne ipsis quidem negant adversarii.

laxat: cùm ex ea consecrarium sit 1°. præcepto merè ecclesiastico, de Missâ diebus festis audienda, satisfieri, eam audiendo cum reverentia quidem externa, sed interno animo irridendi divina mysteria. 2°. præcepto merè ecclesiastico, de horis recitandis, satisfieri, eas recitando cum voluntaria distractione, vel etiam recitando ex sola curiositate (sicut leguntur gazetæ) sine ulla interna devotione, determinante externam illam recitationem ad speciem orationis, potius quam curiositatib; &c. 3°. præcepto annua confessionis & communionis, quā ecclesiastico præcisē, satisfieri per confessiōnem voluntariē nullam, vel communionem sacrilegam, ob voluntarium defectum purè internum. Quas sequelas certum est admitti non posse, cùm Alexander VII. damnaverit hanc propositionem: *Qui facit confessionem voluntariē nullam, satisfacit præcepto Ecclesiæ.* Innocentius quoque XI. proscripti hanc: *Præcepto communionis annua sacrifici per sacrilegam corporis Domini mandationem.*

¹³⁷ Nec propositiones istæ dici possunt solūm damnata, intelligendo eas de ecclesiastico præcepto confessionis & communionis, quā interpretativo, vel determinativo divina legis, ad cōquē quā divino, non quā ecclesiastico præcisē. Quod enim præceptis illis, quā divinis, satisfiat sacrilegā communione, vel confessione, nullus unquam Catholicus dixit. At Alexander & Innocentius in Decretis suis testantur, damnatas illas propositiones ab aliquibus Doctoribus, vel Professoribus Catholicis traditas, & idēo damnatas fuisse. Causa namque damnationis 45. propositionum ab Alexandro VII. est quia audivit, non sine magno animi sui merore, complures opiniones, Christianæ disciplinæ relaxatiæ, & animarum perniciem inferentes, partim antiquatas iterum fascitari, partim noviter prodire. Nec Innocentius XI. damnavit, nisi propositiones, partim ex diversis vel libris, vel thesibus, seu scriptis excerptis, & partim noviter adiumentis, prout uterque loquitur in narrativa Decreti sui.

Denique de veritate assertionis nostræ non est relictus ambigendi locus, postquam S. D. N. Clemens XI. Constitutione suâ, quæ incipit, *Vineam Domini*, definitivè, Constitutioni Alexandri VII. Predecessoris sui circa factum Jansenii debitam esse internam submissionem.

C A P U T X V I .

Valde probabile est, lege purè ecclesiasticâ, etiam directè præcipi, & prohiberi posse actus internos.

¹³⁸ **L**ege purè ecclesiasticâ (id est versante in materia, quæ non sit juris naturalis, nec divini) actus internos præcipi posse, negat

(cum nonnullis Antiquis) turba Recentiorum. Sed affirmat veneranda canities Majorum. Ita nominatim Glossa in cap. *cogitationes* dist. 1. de penit. Major in 4. distinct. 12. q. 7. Albertus Pighius l. 6. de Hierarch. Eccles. c. 16. Adrianus in 4. q. 4. de confess. §. alii probani, & quodlib. 8. q. 8. Joannes Briardus quodlib. 2. Jacobus Latom. de confess. secret. Joannes Lensæus de libert. 1. 12. c. 11. Molanus tr. §. de Repub. c. 8. 1. Jacobus Bajus l. 2. Inst. c. 8. Julius Clarus l. 5. §. ult. q. 91. Medina Cod. de orat. q. 15. Rosella verbo *absolutio*, Corduba l. 4. q. 13. sub finem. Quos è Recentioribus sequuntur Sylvius 2. 2. q. 104. a. 4. Boudartius de legib. tract. 4. §. 35. Merenda tract. de cambio c. 45. & alii, quorum opinionem ideo præfrendam censeo, quia rationes & authoritates in favorem ipsius subiectiæ, longè præponderare videntur rationibus & authoritatibus in contrarium.

Probatur itaque assertio nostra 1°. autho-¹³⁹ ritate Scripturæ, secundum quam Christus (qui talem Ecclesiæ potestatem haud dubiè concedere potuit) de facto contulit, dum Petro & successoribus amplissimè & illimitatè Joan. 21. dixit: *Pasce oves meas.* Et Matth. 16. *Quodcumque ligaveris super terram, erit ligatum & in celis.* Neque enim nobis licet amplissima & illimitata haec Christi verba ad solos actus externos coarctare, ratione purè humanâ, sine ullo in sacris Lit-teris, Canonibus, & Patribus fundamento.

2°. Ex communi sensu & autoritate Ec-¹⁴⁰ clesiæ, que suam in actus merè internos po-testatatem sibi agnoscit & exercuit, ut dum Nicolaus IV. in Regula tertii Ordinis S. Francisci, confirmata à Leone X. injungit quotidie Fratribus examen conscientiarum, quod est actus purè internus. Deinde dum in Jubilæo universali dispensat & communiat vota merè interna, etiam de rebus merè internis, v. g. de facienda quotidie oratione mentali. Quamvis enim ista Ecclesiæ potestas in vota, non sit ad ligandum, sed ad solvendum, ab una ad alteram rectè arguitur. Si enim solvendi potestas Ecclesiæ concessa his verbis, *quodcumque solveris super terram, &c.* directè extenditur ad solvendum actus merè internos; similiter ergo ligandi potestas, eidem concesso his verbis, *quodcumque ligaveris super terram, &c.* directè extenditur ad ligandum actus merè internos. Tam enim generalis est tenor concessæ potestatis ligandi, quam solvendi, tamque ligandi quam solvendi potestatem sibi ad actus internos collatam Ecclesia cenit. Eandem item potestatem agnoscit, dum sacris Ordinibus initiantos obligat ad emittendum votum castitatis. Ad quod licet Arriaga putet solūm obligare per modum conventionis & pacti; contrarium est verius: quia ad illud obligat etiam nolentes; pactum verò non stat, nisi utraque pars sit volens.